

Mossi - Maasd Sebr Sõngo - Comfort Scriptures

2 Korënt Rämba 1:2-4 Maam, a Pol, a Zezi Krista Tuum-tumd ne Wënd daabo, maam ne m saam-biig a Timote, tõnd n puusd Wënd Tigenga sën be Korënt la d saam-bi sõma wã fää sën be Akayi tën-tõre. 2 Bı Wënnnaam tõnd Ba la d Soaal a Zezi Krista sik y fää zutu b bark la b laafi! 3 Bı Wënd la d Soaal a Zezi Krista Ba, nimbään-zoeer Ba, toog buud fää yoalsdā, paam barka! 4 Bämb n maasd tõnd sūuri d namsga pugē, la b meng sën maasd d sūurā, bämb n sõngd tõndo tı d me maasd d taab sūuri, b sën zĩ ne toog ning fää.

Yelbūna 15:13 Sūur sā n yaa noogo, neng yaa neere, sūur sā n sääme yam me säämdame.

1 Dīm Dämba 8:66 Daar a nii soaba a Salomo sëega nebā. Bämb me puusa dīma, la ned kam fää leba a yiri. Yü kaasgo teka la b sūur yü noogo ne Wënd sën maan ne b tuum-tumd a Daviid la buud a Israyel.

1 Na-Rot 16:10 B sõmblema zékda d zugu, sën baood-b Wënd kudem sū-noogo!

Yelbūna 12:25 Sū-sääang kuusda neda, tı gom nood maagd sūuri.

Yelbūna 13:12 Tëeb sën vaale yaa sūur sën yaale, raab sën pidsi vüm n tao n yit wat tūga.

A Izayi Sebre 30:26 Kiuuga veenem na n yü wa wïntooga rëenna, la wïntooga veenem na n paasa naoor a yopoe, wala dasem a yopoe veenem sën naag taaba. Yaa wakat känga la Soaala-Wënd na n tip b neba noada la b sääog päbra säämpoagā.

Oze 13:8 M na n yü toaag ne yämba wa gigem-padre sën ne tı b yökd a biiga la m na n basa m barsa tı b tum b tuumde. Baas na wa n wäb yä, we-rümsa na bees yä.

1 Samwel 1:8,10 A sida, a Elkana, yeel-a lame: «Yaa böe yïnga la fo yäbda, n zägsd rübo, la f säämd f sūuri? Mam ka be yöod f yïnga, n yüd kamb piig bl?» 10 A An sūur da sääama al wusgo; la a ra puusdame, la a kiigd nintäm. A puusa Soaala-Wënd woto:

Yüla 25:16,17 Wënemd-y y neng n tees-ma, Soaala, zoe-y m nimbäänega, tı m yaa m ye la m ka yöod ye. 17 M nina yae yel bëda tı m yam puki. Wa-y n fääg-y-ma!

Yüla 34:18(19) Soaala pëe ne sën zĩ-b ne yure, n fäägd sën zĩ-b ne sū-sääanga.

Yüla 38:8(9) M yïnga tõrame, m zïi ne waoodo, m sūura la m yäooga tara küska.

Yüla 55:4(5) M sūura yalsa m yäoogē, m waa n yik n yeesda yeesg sën tõe n

ku-m,

Yūla 61:2,3(3,4) M bee tēnga yaanga n boond-y, m sā n wa ka le mi m sēn maande. Sōng-y tī m ta m pīga zug tēnsuka tī pīga zāndame. 3(4) M ta be, m ta m pōasg zīgē, tānsoben-doog pugē la m paam n kē, tī m bēeba na n tare.

Yūla 62:8(9) Bī Adem biisa teeg bāmb wakat buud fāa, bī b wa b taoore n wilg sēn be b sūrē. Wēnd la d soondg zīiga.

Yūla 73:26 Kuulem tōe n selā m yīngā, n loog ne m daooda fāa, la m teegdā, m daoodā, m fāa-fāa wā, na n yū yāmba, Wēnde, daar fāa yīnga.

Yūla 77:2,3(3,4) M yūra pugē, m bao Soaala, m wēnemda m neng n tees bāmba, yunga tōre m nusa zēkame n tees bāmba, m pa teeg ned a to yolsg ye. 3(4) M tēegda Wēnd yelle, n yābda la m sēn tar tēegrā, m yama maneg n kēeda weoogo.

Yūla 86:11 Soaala, wilg-y maam m sore tī m paam n kēn y vēenemē. Kō-y-m yam sōngo tī m zoe yāmba.

Yūla 109:22 M yaa naong soaba la nimbāan neda, m sūura vōoga m pugē.

Yūla 112:7,8 A kōn zoe soy zut gom-yood ye, a teega Soaala t'a sūur kegme, 8 a ka na n zoe būmb ba a ye; a tōe n yīgsa a bēeba.

Yūla 143:4 M raood sēe gilli, m pānga looga zānga, m ka tōe n maan fī.

Yūla 147:3 Sū-sāang sēn da tar b rāmb nintāma yēesame, b noada la b sāmpoag maagame.

Yelbūna 14:30 Vuūm sēn sakde yaa sūur sēn zār ne yūre, raab wagl lebga zūnzūuri n fōosd f kōaba sūlem.

Kowelēt 1:13 Mam maaga m meng ne yam kāsenga, n ges neere būmb fāa sēn maand saaga tēngre. Mik waa! Yaa tuūm toog bala la Wēnnaam rīk n tāng ninsaalba. Yaa tuūmd sēn dat gūusgu la b kō Adem biisi.

Kowelēt 2:10 Mam gesa m nini sēn tulg n ges būmb ninga fāa, la m ka mong m sūurā sū-noog ba a ye. M sūur yū noogo ne m tuūmda fāa, dē n yī yōod ninga m sēn dī, m tuūma pugē.

Kowelēt 2:22,23 La woto marsā, bōe n kees nin-kānga yīnga? A tuūm tooga ne a namsgā, a sēn yāend a vuūma pugē, tēng zug ka wā, bōe yōodo la a rīkd a pugē? 23 Beoog sēn vēege, yaa namsg ne namsgo, tuūmda menga yaa sū-sāanga, la yungo gōeem ka laafi gōeem ye. Dē me yōoda la bugo?

Kowelēt 11:10 Yiis sū-sāanga f sūurē la f zāag namsgo ne f yīnga. Bi-būlem la vuūma sōor pukri la ka na n kaoos n loog ye.

A Izayi Sebre 30:29 Sā n ya yāmba, Zerizalēm dāmba, yāmb yūlle na n yū sū-noog yūlle, a na n yū wala yun-sūk kibsa rēnna. Y sūur na pida ne sū-noogo, wala f sēn duud Soaala tāngā, tī wūg peebdē, n duud n babsd Soaala a Israyel Pīgā.

A Izayi Sebre 57:15 Yaa woto la Wēnd ninga sēn zuvga būmb fāa wā, sēn kēed-a roog sēn kōn wā abada, la sēn tar yū-sōngā, gomda: «Maam,

Sõmblem naaba sēn zao yīngrā, ad-y m bee ne nimbāan-dāmba, n be ne neng sēn sur-a tēngā, tū m datame n keng b sūuri, m datame n doog b nenga la m vuvg tooga sēn zīsg b rāmbā.

A Izayi Sebre 65:14 B sū-nooga sēn na n pid zāng yīnga, b na n zodga yūn noodo la yāmb kēlenga na n yū toog waasgo; yāmb na n waasame, y na n basa raoodo.

A Izayi Sebre 66:13,14 Wala ma sēn belgd a biiga, mam me na belg yā, Zerizaleem pugē, m na belg yā. 14 Y na n yāee rēnna la y sūur na n yū noogo la y vūma na n le yānga y pugē, tū y wuk wa sēoog moogo.» Soaala-Wēnd na n wilga b pānga b kambā la b sūura na n fudgame n yōog b bēeba.

Zeremi 15:16 Mam sā n da wūm yāmb gomd fāa, mam da kelgd-a-la neere, y goama ra pidsda maam ne sū-noogo, m sūura ra tosda kaam, tū m dīka m meng zāng n kō yāmba, dūni fāa Wēnde.

Zeremi 24:7 M na kit tū b bāng tū maam la Soaala. B na n lēeg n wa kēe maam ne b sūur fāa. B na lebg m buudu tū m lebg b Wēnnaam.»

A Zā Sōng 14:1 Bū y ra sāam-y sūur ye! Yāmb tēeda Wēnnaam, bū y tē maam me.

A Zā Sōng 14:27 Mam basd-y la m laafi, m kōt-y la m laafi la m laafi wā ka wēnd dūni wā sēn kōt a soaba ye. Bū y sūur da sāam la y ra zoe rabeem ye.

A Zā Sōng 16:6 La m sēn wilg-y dē wā, la y sūur pid ne sū-sāanga.

A Zā Sōng 16:22 Ad yāmb me sēn zī marsā ne sū-sāanga, la m na n le yāend-y lame, la y sūur na yū noogo, la ned ba a ye kōn tōog n sāam y sū-nooga ye.

Tūum-Tūmdba Vūm 2:46 Beoog sēn vēeg fāa b ra kēnda wēnd doogē. B zagsē wā la b da rit lagem taab rūbā la ra yaa sū-noog ne sū-noogo tū zoenif ka n gīdgī sīd pukri ye.

Rom Dāmba 9:2 m togsdame tū sū-sāang la toog n tar maam n namsd wakat buud fāa.

2 Korēnt Rāmba 2:4 Sida, yaa ne yam-yoodre, ne sū-weoogre, n paas nintām la m gūls yāmba la m da pa maan dē n na n sāam y sūur ye; yīla y bāng nonglem kāseng ning sēn be m sūurē y yīnga.

Efēez Rāmba 5:19 Naag-y taaba n zodg yūla n balem Wēnde, n kils-ba, n puus b barka. Yūl-y y sūur pugē n pēgd Wēnnaam.